

## Actividades de sintaxe

1. Lede o seguinte texto. Todas as unidades destacadas en cursiva son frases ou sintagmas. Indicade cal é a palabra central de cada unha e o tipo de frase.

Unha das accións *máis simbólicas* foi na praia Traba de Laxe, onde a rapazada, *enfundada en plásticos multicores*, formou a *palabra 'VIDA'*, en contraposición a aquela de 'MORTE' escrita na area, sobre o chapapote, e tan difundida polos medios de comunicación. "Estamos aquí para que non volva ocorrer o do barco", din. Diante, trazadas sobre a area, as palabras: *Nunca Máis* chapapote.

2. Escribide unha oración con cada un dos seguintes verbos con só a súa predicación nuclear: *levar, chegar, estudar e esquecerse*.

Exemplo con *comer*: María comeu todo o pastel.

Predicación base ou nuclear:  
o verbo cos argumentos necesarios

3. Indicade que unidades das seguintes son frases (sintagmas) que inclúen unha oración entre os seus formantes.

- A casa que está ao fondo da rúa.
- Elas chegaron tarde esta mañá.
- Estiveron un tempo analizando os datos de que dispuñan.
- A fumareda que espaxéixase a lareira de pedra desa casa.
- Un bonito día solleiro, con luz e sen choiva.
- Un azul intenso que desprende faíscas.

Lembrede:

Tanto as oracións coma as frases poden ser unidades complexas, é dicir, poden incluír no seu interior outras unidades equivalentes ou superiores.

4. Escollede unha frase nominal, unha adxectiva, unha adverbial e outra preposicional no seguinte texto. Indicade logo a función sintáctica de cada unha delas e analizade os seus formantes.

Era a opción máis complicada, pero Javi sabía que estas cousas son posibles no deporte, polo que nunca baixou os brazos e traballou arreo para prepararse para a Gran final de Londres. O seu obxectivo estaba claro: gañar a proba e despois comprobar que fixeran os seus rivais. E así, cumpriu coa súa parte nun espectacular final ao sprint con Jonathan Brownlee, mentres que Alistair (o líder provisional) sufriu problemas físicos e afundiuse na carreira a pé.

Funcións das frases:

Frase nominal:  
SUX, CD, ATR, CC. MOD, TERM

Frase adxectiva:  
MOD, ATR, PRVO

Frase adverbial:  
MOD, ATR, CC

Frase preposicional:  
MOD, CI, CD, CC, SUPL, CAX